



Xueves, 10 de setiembre del 2020

El Gobiernu d'Asturies activa les últimes midíes del plan de choque de dependencia y ye quién a menguar la llista d'espera n'agostu en 498 persones

- **Pela primer vez, el númberu de dependientes atendíos nel Principáu supera los 23.000**
- **Derechos Sociales actualiza dos decretos pa qu'entaine la tramitación y se simplifique'l reconocimientu de les ayudes**
- **La media de solicitantes pendientes de prestación a 31 d'agostu yera del 13,73 %, cuasi cuatro puntos per debaxo de la nacional, del 17,42 %**

El Gobiernu d'Asturies aplicó yá les últimes midíes recoyíes nel plan de choque de Dependencia, diseñáu pola Consejería de Derechos Sociales va agora un añu pa entainar cola tramitación d'esta prestación. La consejera Melania Álvarez informó güei al Conseyu de Gobiernu d'estes midíes y confirmó que, n'agostu, la consejería foi quién a amenorgar la llista d'espera en 498 expedientes, que se correspuenden con 222 valoraciones y 276 programes individualizaos d'atención (PIA).

El compromisu del Principáu pa rebaxar los tiempos d'espera y entainar colos expedientes alministrativos nel sistema de dependencia refléxase en que la media de solicitantes pendientes de prestación, a 31 d'agostu, yera de 13,73 %, cuasi cuatro puntos per debaxo de la nacional (17,42 %). En cuantes al númberu de persones dependientes atendíos, aumentó n'agostu en 376, lo que supunxo que pela primer vez n'Asturies superen les 23.000.


Esti plan de choque, que la so duración ye de dos años de magar entró en vigor, incluye delles actuaciones que se foron adoptando de forma progresiva. Desde aplicaes toles actuaciones organizatives y de refuerzu de medios personales y materiales, va ponese en marcha'l procesu de tresformación del Sistema de Dependencia n'Asturies. Pa eso, la consejería empezó la tramitación de dos decretos pa unificar la normativa en materia de dependencia coles mires de simplificar y modificar la reconocencia y facer entainar la tramitación de les solicitúes.





Tamién se va fomentar l'atención domiciliaria con dos prestaciones clave: l'asistente personal y la promoción de l'autonomía personal. Amás, los decretos van dexar dotar d'una mayor equidá'l costu de los servicios poles persones beneficiaries y va materializar el cambéu del modelu d'atención.

La evolución de los datos de beneficiarios amuésase nesti cuadru:



Representación institucional

L'Executivu aprobó'l cese y nomamientu de dellos representantes del Principáu nel conseyu d'alministración de la sociedad mercantil Sedes S. A. Cesen nel cargu Juan Jose Adolfo Fernández Pereiro, Juan Ramón García Secades y Fermín Bravo Lastra. Los representantes nuevos van ser María del Mar Salgado, directora xeneral de Finances y Economía, Fermín Bravo Lastra, director xeneral de Vivienda, y María Montes, xerente de Vipasa.